

18 Mei 2012

## **Tiga warga Mexico antara 5 pengedar dadah ke tali gantung**

KUALA LUMPUR 17 Mei - Lima lelaki termasuk tiga beradik rakyat Mexico dihukum gantung sampai mati oleh Mahkamah Tinggi di sini hari ini selepas didapati bersalah mengedar dadah jenis methamphetamine seberat 29.4 kilogram yang dianggarkan bernilai RM44 juta, empat tahun lalu.

Kesemua tertuduh terdiri daripada warga tempatan, Lee Boon Siah, 48; rakyat Singapura, Lim Hung Wang, 55; dan tiga beradik warga Mexico iaitu Jose Regino Gonzales Villarreal, 34; Simon Gonzales Villarreal, 37, serta Luis Alfonso Gonzales Villarreal, 44.

Hakim Datuk Mohd. Zawawi Salleh memutuskan demikian selepas mendapati pihak pembelaan gagal menimbulkan sebarang keraguan munasabah terhadap pertuduhan mereka.

Dalam keputusannya, Hakim Mohd. Zawawi berkata, undang-undang Malaysia melayan semua tertuduh secara sama rata, tanpa mengambil kira warga asing ataupun tempatan.